



BULETIN KUIM

KOLEJ UNIVERSITI ISLAM MALAYSIA, 55100 KUALA LUMPUR

[EDARAN DALAMAN SAHAJA]

BIL. 04/02

29 JULAI 2002

[http:// www.kuim.edu.my](http://www.kuim.edu.my)

KANDUNGAN

- Pemantauan KUIM di Pilihanraya DUN Pendang dan Anak Bukit, Kedah
- Bengkel Pelaksanaan Pelan Tindakan Pendidikan 2001-2010
- Pertemuan Jurulatih Sukan Dengan Atlit-Atlit KUIM
- Menghadiri Persidangan Mahasiswa Generasi Felda Semenanjung Malaysia
- Kursus Pra-Perkahwinan
- Lawatan Al-Maktoum Institute, University Of Abertay Dundee, Scotland

PEMANTAUAN KUIM DI PILIHANRAYA DUN PENDANG DAN ANAK BUKIT, KEDAH

Bahagian Hal Ehwal Pelajar (HEP) KUIM telah membawa satu rombongan pemantauan ke Pendang dan Anak Bukit, Kedah bagi pilihanraya yang diadakan di kawasan tersebut. Pemantauan yang dilakukan bermula dari 6 Julai hingga 18 Julai 2002 tersebut disertai oleh Timbalan Pendaftar HEP En. Muhammad Haizuan Rozali, Penolong Pendaftar HEP En. Mazlan Nawang, Pegawai Sukan En. Nur Ekhmal Buhary, Kaunselor Pn. Masni Hasim, Penolong Pegawai Sukan En. Sulaiman dan Penolong Pegawai Asrama Cik Azlin Mahmud. Pemantauan yang dijalankan tersebut antara lain bertujuan untuk melihat dan meninjau proses perjalanan kempen pilihanraya dan juga melihat kemungkinan terdapatnya penglibatan para pelajar KUIM dalam kempen parti-parti politik. Walaubagaimanapun menurut Penolong Pendaftarnya En. Mazlan Nawang, tiada penglibatan para pelajar KUIM dalam kempen pilihanraya tersebut sepanjang pemantauan yang dilakukan mereka disana. Sepanjang proses pilihanraya tersebut berlangsung, kesemua IPTA-IPTA turut menghantar wakil mereka bagi tujuan yang sama.

BENGKEL PERLAKSANAAN PELAN TINDAKAN PENDIDIKAN 2001-2010

Pada 11-12 Julai 2002 satu Bengkel Pelaksanaan Pelan Tindakan Pendidikan telah diadakan di Hotel Flamengo Kuala Lumpur. Tujuan diadakan bengkel tersebut adalah bertujuan untuk menyiapkan laporan pelaksanaan pelan tindakan sebagaimana yang diminta oleh Jabatan Pendidikan Tinggi dan ia melibatkan pihak pengurusan tertinggi KUIM.

PERTEMUAN JURULATIH SUKAN DENGAN ATLIT-ATLIT KUIM

11 Julai – Satu pertemuan diantara jurulatih sukan dengan atlit-atlit KUIM telah diadakan bertujuan untuk membincangkan perkembangan latihan dan persiapan atlit-atlit untuk menghadapi perlawanan.

MENGHADIRI PERSIDANGAN MAHASISWA GENERASI FELDA SEMENANJUNG MALAYSIA

13 Julai – Seramai 40 orang pelajar generasi FELDA telah mengikuti Persidangan Mahasiswa Generasi Felda yang diadakan di UIAM, Gombak. Yang Dipertua JAKSA, Suhardi Mohd. Azemi telah mengetuai pelajar KUIM pada persidangan tersebut.

KURSUS PRA PERKAHWINAN

Pada 13-14 Julai 2002 telah diadakan Kursus Pra-Perkahwinan yang telah dianjurkan oleh Pembimbing Rakan Universiti bersama Jabatan Agama Islam Selangor yang telah diadakan di tingkat 9, Menara B, MPAJ. Sebanyak 200 tempat disediakan untuk kakitangan dan pelajar KUIM untuk menyertai kursus ini. Kursus ini dijalankan untuk memberi peluang

kepada mereka yang bakal menempuh alam berumahtangga. Ini juga sebagai persediaan dari segi ilmu dan kefahaman individu tentang selok belok kehidupan berumahtangga. Jabatan Agama Islam Selangor juga menyatakan kesediaannya untuk bekerjasama dalam menganjurkan lain-lain kursus seumpamanya dimasa hadapan.

LAWATAN AL - MAKTOUM INSTITUTE, UNIVERSITY OF ABERTAY DUNDEE, SCOTLAND

KUIM, 24 Julai – Satu lawatan rasmi dari Al-Maktoum Institute For Arabic & Islamic Studies, University of Abertay Dundee, Scotland ke kampus sementara KUIM telah berlangsung dalam suasana muhibbah kedua-dua institusi pengajian tinggi ini.

Pihak Al-Maktoum Institute telah diwakili oleh Naib Canselornya Prof. Al-Fattah El-Awaisi bersama wakil pelajar institusi tersebut. Tujuan lawatan tersebut antara lain adalah untuk memberi penerangan jelas mengenai peluang untuk melanjutkan pengajian ke peringkat lebih tinggi oleh para graduan Malaysia di Scotland. Selain itu, Prof. Al-Fattah El-Awaisi juga menyatakan minatnya untuk menerokai peluang kerjasama akademik yang melibatkan IPTA-IPTA di Malaysia bersama University of Abertay Dundee, Scotland.

Dalam satu kenyataan yang dikeluarkan kepada **Pegawai Perhubungan Awam KUIM, Mohammad Tahir Zainuddin** pihak Al-Maktoum amat memuji tahap pembangunan program akademik KUIM yang dianggap berkualiti tinggi melalui kurikulum yang lengkap dan bersepadu. Sepanjang lawatan ke KUIM, beliau turut diberi taklimat oleh Profesor Dr. Mohammad Hj. Alias, Timbalan Rektor HEP & Pembangunan KUIM mengenai Pembangunan Kampus Tetap KUIM di Nilai, Negeri Sembilan. Lawatan beliau yang pertama kali ke Malaysia ini turut melibatkan lawatan ke beberapa IPTA lain seperti UiTM dan UKM.



Naib Canselor Al-Maktoum Institute (kanan sekali) sedang berbincang bersama Rektor.



Prof. Al-Fattah El-Awaisi melawat Makmal Komputer KUIM.- Gambar oleh Djohan Shahrin.